

疫證治例

疫證治例醫案卷五

湘鄉太廓子朱增籍蘭臺氏著

增戴長銓鏡渠校字

男光馥樹桂

全參訂

及門諸子

附勞神感風病發成瘧神明瞽亂差似癲人一
則

吾友謝君芝圃執醮事勞神感風歸家忽心神瞽亂

頸項強。手足攣急。時口噤。時舉動。語言多妄。若鬼憑之。徧求符錄。不應。月餘。延余診之。脈浮弦。舌胎白滑。病作時。渾身發熱。其父儀堂公謂余曰。此必因前用心不虔。邪祟臨身。今延君診。未知脈可否。如可再禳。余曰。非祟也。乃瘕病也。能屏符術。遵余治。數劑可瘳。公喜促方。余以脈浮弦。舌白滑。手足攣急。項強口噤。作時發熱。知風邪尙在經。輸神明瞽亂。舉動多妄。因勞傷心神。故爾。用天保采薇湯。疏散風邪。重加人蔘。

匡扶正氣一服小愈五六服而病如失

天保采薇湯

羌活

前胡

半夏

陳皮

柴胡

赤芍

白茯苓

川芎

枳殼

厚樸

桔梗

蒼朮

升麻

葛根

藿香

獨活

甘草

附胃風環唇麻癢一則

族克齋患環唇麻癢刻難忍過時以五指招之睡必
令人頻頻替招不可停否則癢覺延余治余以甘菊
一兩知母三錢甘草二錢與服適王槐溪先生在坐
閱余方曰此胃風耶吾未之見及斯病得君方愈矣
果一服而效

一、

二、

三、

四、

五、

六、

附陰寒直中少陰一則

族兄嵐暄於臘月十八日爲公務乘輿往宗祠途次天變栗烈雨雪輿簾失備渾身雪滿十九日歸體倦發熱二十日延余治診之脈遲而弱體困神昏天柱已倒其嗣翠峯已煎麻黃湯俟余來與服余曰脈證若此乃陰寒直中麻黃決不可入口翠以爲明係感寒非麻黃不能治余曰若用麻黃必見害余不任其咎也翠遂憑余用藥以附塊焦朮北耆各半斤北薑

四兩炙草一兩人蔘四兩鹿茸二錢濃煎頻灌一伏時服至三劑至二十二日下午計服八劑人事稍清天柱已豎頗能起立二十三日陪余飲酒則談笑如常矣厥後翠謂余曰家嚴之恙藥止十劑而資費二百餘緡分兩之重某所罕見果何故余曰尊公蔘耆附日日常服當此大患臨身之際如艤龐巨艦浮沈於大海之中暴風驟至勢甚危急非千鈞之錨不能鎮定也翠嘆服不已

附寒中少陰循脈道上逆腎病及肝一則

余友劉君校亭妻王氏患齒齦痛延余治診之脈沈細數云病自舌根如電掣痛抵齒齦旋轉入左顴骨下按摩不及其痛莫何余思舌爲心苗而腎脈榮舌本齒乃腎餘顴骨肝部舌根如電掣痛抵齒齦旋轉左顴骨下此腎病及肝乙癸同源也以脈驗證乃寒中少陰循脈道上逆主理陰煎加北辛溫散腎邪因脈數左顴痛更加丹皮以解肝熱一服病減二三服

全痊。

理陰煎

熟地

當歸

乾薑

甘草炙

水煎熱服。或加肉桂。

附婦人經水適來貪涼過甚邪中三陰寒凝血

室目中見鬼一則

吾戚戴君葵亭之妻歐陽氏辛卯七月初十日抱病十五日延余治診之脈細緊數舌胎白厚其證初起寒顫頭暈左手足厥冷徹骨過肘膝手指攣急腰腹痛甚口渴飲熱目中見鬼食不進經余門人戴生芸亭調治用麻黃附子細辛湯寒顫平繼用人蔘當歸建中湯加杜仲補骨脂俟余議定與服余曰此邪中

三陰經藏同病。腹痛屬太陰。腰痛厥冷徹骨屬少陰。厥冷而兼消渴屬厥陰。立方當統三陰而治。所主方中宜重加薑附。服二劑。忽云熱自膝臑骨中溜至足跟。余曰陰病難於回陽。陽回決愈。宜更增薑附與服。第不解暑熱之時而有此寒中三陰脫陽見鬼之證。審問閒葵亭嫂氏出而告曰。吾姪月初當行經時。貪涼夜靜更深。席地而臥。寒或由此受。昨宵經復行。未知前藥可再服不。余曰可。乃思傷寒論婦人傷寒發

熱經水適來。晝日明了。暮則譊語。如見鬼狀者。爲熱入血室。茲邪中三陰。寒凝血室。亦目中見鬼。雖論無明文。可比例而得。與脫陽白晝見鬼之論有別。遂用薑附。薤朮。桂枝。歸草。溫經之劑。猛進。寒凝之血得煖。續下。鬼物消而諸證除。余歸後。芸以薤朮。附朮。補氣血以復其體。

附邪中厥陰囊縮寒證一則

李同朝病囊縮治經月餘不效。延余治。岷沈遲。此乃陰寒直中厥陰。閱所服方皆純陰滋補之劑。愈助其陰。則陰邪愈肆。宜乎病日臻也。余主大劑耆附理中湯。而其父沈吟終日不進。余詰曰。令郎病尙可治。宜速服藥。何遲疑乃爾。曰。前醫某初主方時。戒耆朮恐其提升。戒薑附恐其燥烈。服之則愈縮不救。今先生正用其所戒。而分又極重。與某言大背。是以不敢。余

曰此說甚謬。夫陰寒直中陰經，得大劑薑附以挽回。陽氣耆朮以鼓盪中氣，則大氣盤旋，囊縮之證自愈。伊疑釋，卽進一服。次日鬆戥夾，而囊信不縮，乃歎服吾用藥之果。續進十餘服，體全復。吁！醫某不知思求經旨，省疾問病，務在口給，往往用藥之下，多行震驚之術。如斯病，不得吾力，信其說不死於病而死於藥。反歎天命之短也。庸流之害可畏也哉。

辛卯六月杪，奉命謄錄六經，適族孀譚氏子甫。